

黃氏逸書考

史鈎沉

逸書考

孫盛晉陽秋

甘泉黃奭學

荀顗

顗字景倩幼爲姊夫陳羣所異博學洽聞意思慎密司馬宣王見顗奇之曰荀令君之子也近見袁伋亦曜卿之子也擢拜散騎侍郎顗佐命晉室位至太尉封臨淮康公嘗難鍾會易無互體見稱於世顗弟粲字奉倩三國志魏志荀彧傳注御覽二百二十四引荀顗字景倩帝見而奇之曰荀令君子也擢拜散騎侍

郎

孫盛晉陽秋

諸葛亮

有星赤而芒角自東北西南流投於亮營三

投再還往大還小俄而亮卒

蜀志諸葛亮傳注書鈔一百

五十引亮營上有諸葛二字

御覽七引有

星赤而芒角自東北往西南沒於諸葛亮營俄而亮卒說郭五十九引同御覽作庾翼晉陽秋

姜維

盛以永和初從安西將軍平蜀見諸故老乃
姜維既降之後密與劉禪表疏說欲僞服事

鍾會因殺之以復蜀土會事不捷遂至泯滅
蜀人於今傷之

蜀志姜維傳注

鄭袤

泰子袤字材叔泰與華歆荀攸善見袤曰鄭
公業爲不亡矣初爲臨淄侯文學稍遷至光
祿大夫泰始七年以袤爲司空固辭不受終
於家子默字思玄

魏志鄭渾傳注

羊祜

抗與羊祜推僑札之好抗嘗遺祜酒祜飲之

不疑抗有疾祜饋之藥抗亦推心服之于時

以爲華元子反復見於今

吳志陸抗傳注藝文八十一引至

服之首句作吳陸抗與羊祜御覽四百二十引至服之首句作陸抗羊祜又四百七引陸抗羊祜爲邊將推倚札之好抗嘗遺祜酒祜亦饋抗藥各推心服之

衛瓘

瓘字伯玉清貞有明理少爲傳嘏所知弱冠爲尚書郎遂歷位內外爲晉尚書令司空太保惠帝初輔政爲楚王瑋所害

魏志衛瓘傳注

嵇康 呂安

元二年司馬文王反自樂嘉殺嵇康曰安

志王粲傳注

孫登

嵇康見孫登登對之長嘯逾時不言康辭還

曰牛生竟無言乎登曰惜哉魏志王粲傳注

十二引首句作康見登登字不重
九引康見孫登登對之嘯時不言
引嵇康見孫登對之長嘯而不言也
藝文十
白話嘯

王濬

濬收其圖籍領州四郡三十二縣三百一十

三戶五十二萬吏三萬二千兵二十三萬男

女口二百三十萬米穀二百八十萬斛船五

十餘艘後宮五千餘人

吳志孫皓傳注 覽三百二十四引首

有清平吳三字無吏三萬二千兵二十三萬

夏侯佐

泰始二年高安鄉侯夏侯佐卒惇之孫也嗣

絕詔曰惇魏之元功勲書竹帛昔庭堅不祀

唐或悼之况朕受禪於魏而可忘其功臣哉

宜擇近屬劭封之

魏志夏侯惇傳注 藝文五十三引夏侯惇魏之元

功至末宜作其無劭字

胡威

威字伯虎少有志尙厲操清白質之爲荊州也威自京都省之家貧無車馬僮僕威自驅驢單行拜見父停廢中十餘日告歸臨辭質賜其絹一匹爲道路糧威跪曰大人清白不審於何得此絹質曰是吾俸祿之餘故以爲汝糧耳威受之辭歸每至客舍自放驢取樵炊爨食畢復隨旅進道往還如是質帳下都

督素不相識先其將歸請假還家陰資裝百餘里邀之因與爲伴每事佐助經營之又少進飲食行數百里威疑之密誘問乃知其都督也因取向所賜絹荅謝而遣之後因他信具以白質質杖其都督一百除吏名其父子清慎如此於是名譽著聞厯位宰牧晉武帝賜見論邊事語及平生帝嘆其父清謂威曰卿清孰與父清威對曰臣不如也帝曰何以爲不如對曰臣父清恐人知臣清恐人不知

是臣不如者遠也官至前將軍青州刺史大

康元年卒追贈鎮東將軍威弟熊字季象征

南將軍威子奕字次孫平東將軍並以潔行

垂名

魏志胡質傳注藝文五十引胡質為

車行見父停十餘日臨歸質賜絹一匹為道

糧至故以為卿糧耳下即接晉武帝問威曰

卿孰與卿父清至臣清畏人不知之又八十

五引胡威少有志尚厲操清白父質為荊州

刺史威自京都省之至以為汝糧耳又九十

四引同八十五荊州刺史作荊州守十餘日

下作辭歸每至客舍自放驢取樵爨食引至

此止御覽二百五十四引胡質為荊州刺

史至故以為汝糧耳同藝文五十又引晉武

帝嘗問威曰至臣清畏人不知亦與藝文五

十同又四百二十五引胡威字伯虎少有志
尙清白歷位宰牧武帝賜見至不如遠矣與
魏志注同又八百十七引胡威字伯虎質之
爲荊州也威自京都省之至是吾休之餘故
以與汝耳又九百一引胡威字伯虎父質爲
荊州威自京都省之家貧無車馬僮僕威自
驅驢車單行拜見告歸每至客舍自放驢取
進食畢復隨侶而進世說德行篇注引
胡威字伯虎淮南人父質以忠清顯質爲荊
州威自京都往省之及告歸質賜威絹一匹
威跪曰大人清高於何得此至是以不如遠
矣與魏志注同中微有節錄語

李唐

敏子追求敏出塞越二十餘年不娶州里徐
處責之曰不孝莫大於無後何可終身不娶

乎乃娶妻生子胤而遣妻常如居喪之禮不勝憂數年而卒胤生不識父母不知存亡設主奉之由是知名仕至司徒

魏志公孫度傳注

劉弘

劉弘字叔和熙之弟也弘與晉世祖同年居同里以舊恩屢登顯位自靖至弘世不曠名而有政事才晉西朝之末弘爲車騎大將軍開府荊州刺史假節都督荆交廣州諸軍事封新城郡公其在江漢值王室多難得專命

一方盡其器能推誠羣下厲以公義簡刑獄
務農桑每有興發手書郡國丁寧欵密莫不
感悅顛倒奔赴咸曰得劉公一紙書賢於十
部從事也時帝在長安弘得選用宰守徵士
武陵伍朝高尚其事牙門將皮初有勲江漢
弘上朝爲零陵太守初爲襄陽太守詔書以
襄陽顯郡初資名輕淺以弘婿夏侯陟爲襄
陽弘曰夫統天下者當與天下同心治一國
者當與一國推實吾統荊州十郡安得一女

婿然後為治哉乃表陟姻親舊制不得相監

臨事初勲宜見酬報聽之眾益服其公當廣

漢太守辛冉以天子蒙聖恩方雲擾進從橫

之計於弘弘怒斬之時人莫不稱善魏志劉

祖御覽二百五十六引劉弘字和季與晉世

刺史值王室多難至十部從事也羣下作御

劉弘為荊州刺史每有興發手書至十部從

事也奔赴恭赴藝文五十八引同御覽

劉喬

孫盛晉陽秋

七

喬有贊世志力惠帝末爲豫州刺史喬胃胤
丕顯貴盛至今

魏志劉廙傳注

孫楚 孫盛 孫綽

楚鄉人王濟豪俊公子也爲本州大中正訪
問關求楚品狀濟曰此人非卿所能名自狀
之曰天才英博亮拔不羣楚位至討虜護軍
馮翊太守楚子洵潁川太守洵子盛字安國
給事中祕書丞盛從父弟綽字興公廷尉正
楚及盛綽並有文藻盛又善言名理諸所論

著並傳於世

魏志劉放傳注

王湛 王承 王述 王坦之

湛字處仲汝南太守湛子承字安期東海內
史承子述字懷祖尚書令衛將軍述子坦之
字文度北中郎將徐充二州刺史昶諸子中
湛最有德譽而承亦自爲名士述及坦之並
顯名於世爲時盛門云

魏志王昶傳注引晉書云自湛以下見晉

陽秋也

荀崧 荀羨

崧少有志操雅好文學孝義和愛在朝恪勤
位至左光祿大夫開府儀同三司崧子羨字
令則清和有才尙公主少歷顯位年二十八
爲北中郎將徐兖二州刺史假節都督徐兖
青三州諸軍事在任十年解職卒於家追贈
驃騎將軍羨孫伯子今御史中丞也

魏志荀
彧傳注

諡周

詔曰朕甚悼之賜朝服一具衣一襲錢十五
萬周息熙上言周臨終屬熙曰久抱疾未曾

朝見若國恩賜朝服衣物者勿以加身當還
舊墓道險行難豫作輕棺殯斂已畢上還所
賜曰還衣服給棺直

蜀志譙周傳注

譙秀

秀性清靜不交於世知將大亂豫絕人事從
兄弟及諸親里不與相見州郡辟命及李雄
盜蜀安車徵秀又雄叔父驤驤子壽辟命皆
不應常冠鹿皮躬耕山藪永和三年安西將
軍桓溫平蜀表薦秀曰臣聞大朴旣虧則高

尚之標顯道喪時昏則忠貞之義彰故有洗
耳投淵以振玄邈之風亦有秉心矯迹以惇
在三之節是以上代之君莫不崇重斯軌所
以篤俗訓民靜一流競伏惟大晉應符御世
運無常通時有屯蹇神州邱墟三方圯裂兔
豕絕響於中林白駒無聞於空谷斯有識之
所悼心大雅之所嘆息者也陛下聖德嗣興
方恢天緒臣昔奉役有事西土鯨鯢旣縣思
宣大化訪諸故老掇揚潛逸庶武羅於羿浞

之墳想土蠋於亡齊之境竊聞巴西譙秀植
操貞回抱德肥遁揚清渭波于時皇極邁道
消之會羣黎踴顛沛之艱中華有顧瞻之哀
幽谷無遷喬之望凶命屢招姦戍仍適身寄
虎吻危同朝露而能抗節玉立誓不降辱杜
門絕迹不面偽庭進免龔勝亡身之禍退無
薛方詭對之譏雖園綺之棲商洛管寧之默
遼海方之於秀殆無以過於今西土以爲美
談夫旌德禮賢化道之所光崇表殊節聖哲

之上務方今六合未康豺狼當路遺黎偷簿
義聲弗聞益宜振起道義之徒以敦流遁之
弊若秀蒙蒲帛之徵足以鎮靜頽風軌訓嚮
俗幽遐仰流九服知化矣及蕭敬叛避難宕
渠川中鄉人宗族馮依者以百數秀年八十
衆人以其篤老欲代之負瘡秀拒曰各有老
弱當先營救吾氣力自足堪此不以垂朽

年累諸君也後十餘年卒於家

蜀志譙周

玄子薦譙元彥表注引譙秀字元彥巴西人

譙周後性清靜不交於俗李群公獨安連

秀秀不應躬耕山藪桓溫平蜀反役上
秀又引李雄安車徵秀雄叔父驤驤子壽驤
命皆不應

陸玩

玩器量淹雅位至司空追贈太尉
吳志陸瑁傳注

葛衡

吳有葛衡字思真明達天官能為機巧作渾
天使地居中以機動之天轉而地止以上應

晷度
吳志趙達傳注 說郛五十九引作庚

衡作渾儀使地居中以璇轉之上應晷度
御覽卷二引吳有葛衡字思真改作渾天儀

使地居中以機轉之天轉而地止下注衛古
 道字又七百五十二引吳葛衡字思直明達
 天官能為機巧改作渾天儀事類賦一引
 同御覽二案御覽二引作葛衡下注衛古
 道字則以當作衛矣且與思直義合然吳志
 書鈔御覽七百五十二又竝作葛衡不邦
 孰是已上俱三國志注

高祖宣帝

宣帝天姿傑邁有英雄之畧

世說新語止篇注

諸葛亮寇於郿據渭水南原詔使高祖拒之
 亮善撫馭又戎政嚴明且僑軍遠征糧道艱
 澀利在野戰朝廷每聞其出欲以不戰屈之

高祖亦以爲然而擁大軍禦侮於外不宜遠
露怯弱之形以虧大勢故秣馬坐甲每見吞
併之威亮雖挑戰或遺高祖巾幘巾幘婦女
之飾欲以冀怒獲曹咎之利朝廷慮高祖不
勝忿憤而衛尉辛毗骨鯁之臣帝乃使毗杖
節爲高祖軍司馬亮果復挑戰高祖乃奮怒
將出應之毗杖節中門而立高祖乃止將士
聞見益加勇銳識者以爲人臣雖擁衆千萬
而屈於王人大畧深長皆如此之類也

世說
方正

篇注

孫盛晉陽利

孝惠帝

初惠帝之爲太子咸謂不能親政事衛瓘每欲陳啟廢之而未敢也後因會醉遂跪牀前曰臣欲有所啟帝曰公所欲言者何邪瓘欲言而復止者三因以手撫牀曰此坐可惜帝意乃悟因謬曰公眞大醉也帝後悉召東宮官屬大會令左右齎尙書處事以示太子令處決太子不知所對賈妃以問外人代太子

對多引古詞義給使張弘曰太子不學陛下所知宜以見事斷不宜引書也妃從之弘具草奏令太子書呈帝大悅以示瓘於是賈充語妃曰衛瓘老奴幾敗汝家妃由是怨瓘後

遂杖之

世說規箴篇注

廢帝海西公

太和六年閏十月熒惑守太微端門十一月大司馬桓溫廢帝爲海西公

世說言語篇注

海西公諱奕字延陵成帝子也興寧中卽位

少同閹人之疾使宮人與左右淫通生子大
司馬自廣陵還姑孰過京都以皇太后令廢
帝爲海西公

世說排調篇注

齊王攸

齊王攸字大猷文帝第二子孝敬忠肅清和
平允親賢下士仁惠好施能屬文善尺牘初
荀勗馮紆爲武帝親幸攸惡勗之佞勗懼攸
或嗣立必誅已且攸甚得衆心朝賢景附會
帝有疾攸及皇太子入問訊朝士皆屬目於

攸而不在太子至是勗從容曰陛下萬年後
太子不得立也帝曰何故勗曰百寮內外皆
歸心於齊王太子安得立乎陛下試召齊王
歸國必舉朝謂之不可若然則臣言徵矣侍
中馮統又曰陛下必欲建諸侯成五等宜從
親始親莫若齊王帝從之下詔使攸之國攸
聞勗統間已憂忿不知所爲入辭出歐血而
死薨帝哭之慟馮統侍曰齊王名過其實而
天下歸之今日薨殞陛下何哀之甚帝乃止

劉毅聞之故終身稱疾焉世說品藻篇注

趙王倫

趙王倫篡位樂廣與滿奮崔隨進璽綬世說品藻篇注

葛旗

齊王起義轉長史既克趙王倫與董艾等專執威權問敗見誅世說方正篇注

譙閔王承

司馬承字元敬晉書作敬才譙王遜子也為中宗

相州刺史路過武昌王敦與燕會酒酣謂丞
曰大王篤實佳士非將御之才對曰焉知鉛
刀不能一割乎敦將謀逆召丞爲軍司馬丞
嘆曰吾其死矣地荒民解勢孤援絕赴君難
忠也死王事義也死忠與義又何求焉乃馳
檄諸郡丞赴義敦遣從母弟魏又攻丞王廙
使賊迎之薨於車敦旣滅追贈驃騎謚曰愍

王

世說仇隙篇注

王祥

孫盛晉陽秋

十五

祥少有美德行

世說德行篇注

後母數譖祥屢以非禮使祥弟覽輒與祥俱
又虐使祥婦覽妻亦趨而共之母患方盛寒
冰凍母欲生魚祥解衣將剖冰求之會有處
水小解魚出世說同上緯畧六引祥母患
疾至末無方字母欲生魚母誤
作每處上有一字水小解作冰小解

陳騫

陳騫字休淵司徒第二子無騫諤風滑稽而
多智仕至大司馬世說方正篇注

呂安

安字中悌東平人冀州刺史招之第三子志
量開曠有拔俗風氣

世說簡傲篇注

嵇康

初康與東平呂安親善安嫡兄遜

當作

淫安

妻徐氏安欲告遜遣妻以咨於康康喻而抑
之遜內不自安陰告安搗母表求徙邊安當
徙訴自理辭引康

世說雅量篇注

張華

華博覽洽聞無不貫綜世祖嘗問漢事及建章千門萬戶華畫地成圖應對如流張安世不能過也

世說言語篇注

山濤

濤雅素恢達度量宏遠心存事外而與時俛仰嘗與阮籍嵇康諸人著忘言之契至於羣子屯蹇於世濤獨保浩然之度

世說賢媛篇注

王戎

戎爲兒童鍾會異之

世說賞譽篇注

年十五隨父渾在郎舍阮籍見而悅之每
過渾俄次在我室久之乃謂渾濬沖清尙非
聊倫也戎嘗詣籍共飲而劉昶在坐不與焉
昶無恨色旣而我問籍曰彼爲誰也曰劉公
榮也濬沖曰勝公榮者故與酒不如公榮者
不可不與酒唯公榮可不與酒

世說簡傲篇注

戎爲豫州刺史遭母憂性至孝不拘禮制飲
酒食肉或觀棊奕而容貌毀悴杖而後起時
汝南和嶠亦名士也以禮法自持處大憂量

米而食然顛顛哀毀不逮我也

世說德行篇注

世祖及時談以此貴我也

世說同上

司隸校尉劉毅奏南郡太守劉肇以布五十

疋雜物遺前豫州刺史王戎請檻車徵付廷

尉治罪除名終身戎以書未達不坐

世說雅量篇注

楷與王戎俱加儀同三司

世說同上

戎多殖財賄常若不足

世說儉嗇篇注

王衍

夷甫父又有簡書將免官夷甫年十七見所

繼從舅羊祜申陳事狀辭甚俊偉祜不然之
夷甫拂衣而起祜顧謂賓客曰此人必將以
盛名處當世大位然敗俗傷化者必此人也
世說識鑒篇注

夷甫善施舍父時有假貸者皆與焚券未嘗
言貨利之事
世說規箴篇注

惠帝時太尉王夷甫言於選者以帝澄爲荊
州刺史從弟敦爲青州刺史澄敦俱詣太尉
辭太尉謂曰今王室將卑故使弟等居齊楚

之地外可以建霸業內足以匡帝室所望於
二弟也

世說簡傲篇注

夷甫將爲石勒所殺謂人曰吾等若不祖尙
浮虛不至於此

世說輕詆篇注

和嶠

世祖疑惠帝不可承繼大業遣和嶠荀勗往
觀察之旣見勗稱嘆曰太子德更進茂不同
於故嶠曰皇太子聖質如初此陛下家事非
臣所盡天下聞之莫不稱嶠爲忠而欲灰滅

勅也 世說方正篇注

樂廣

何書今衛瓘見廣曰昔何平叔諸人沒常謂
清言盡矣今復聞之於君 世說賞譽篇注

樂廣善以約言厭人心其所不知默如也太
尉王夷甫光祿大夫裴叔則能清言常曰與
樂君言覺其簡至吾等皆煩 世說同上

成都王之起兵長沙王猜廣廣曰寧以一女
而易五男又猶疑之遂以憂卒 世說言語篇注

阮咸

咸行已多違禮度濤舉以爲吏部郎世祖不

許

世說賞譽篇注

書鈔三十三

阮孚

阮孚字遙集陳留人咸第二子也少有智調

而無儻異累遷侍中吏部尙書廣州刺史

世說

雅量篇注

王湛

濟有人倫鑒識其雅俗是非少所優潤見湛

嘆服其德宇時人謂湛上方山濤不足下比
魏舒有餘湛聞之曰欲以我處季孟之間乎
世說賞譽篇注

歐陽建

歐陽建字堅石渤海人有才藻時人爲之語
曰渤海赫赫歐陽堅石初建爲馮翊太守趙
王倫爲征西將軍孫秀爲腹心撓亂關中建
每匡正由是有隙世說仇隙篇注文選歐
陽堅石臨終詩注引建字
堅石

孫秀妻蒯氏

此孫秀是吳郡吳人武帝時來降

蒯氏襄陽人祖良吏部尚書父鈞南陽太守
世說惑溺篇注

孫秀

此孫秀是琅邪人

偷篡位秀爲中書令事皆決於秀爲齊王所

誅

世說賢媛篇注

陸機

機字士衡吳郡人祖遜吳丞相父抗大司馬
機與弟雲並有雋才司空張華見而悅之曰

平吳之利在獲二僞

世說言語篇注

潘岳

岳字字安仁滎陽人夙以才穎發名善屬文清綺絕世蔡邕未能過也仕至黃門侍郎爲孫秀所害

世說文學篇注

孫楚

楚驃騎將軍資之孫南陽太守宏之子鄉人王濟豪俊公子爲本州太中正訪問楚爲鄉里品狀濟曰此人非鄉評所能名吾自狀之

曰天才英特亮拔不羣仕至馮翊太守

世說言語

篇注

劉昶

昶爲人通達仕至兗州刺史

世說任誕篇注

周處

處仕晉爲御史中丞多所彈糾氏人齊萬年反乃令處拒萬年伏波孫秀欲表處母老處曰忠孝之道何當得兩全乃進戰斬首萬計身絕火盡左右勸退處曰此是我授命之

戰而沒

世說自新書註

劉輿

劉輿字慶孫中山人有豪俠才算善交結爲
光陽王虓所昵虓薨太傅召之大相委仗用
爲長史

世說雅量篇注

太傅將召劉輿或曰輿猶臆也近將汙人太
傅疑而禦之輿乃密視天下兵簿諸屯戎及
倉庫處所人穀多少牛馬器械水陸地形皆
默識之是時軍國多事每會議事自潘滔以

下皆不知所對輿便屈指籌計所發兵仗處
所糧廩運轉事無疑滯於是太傅遂委仗之
世說賞譽篇注

鄧攸

攸字伯道平陽襄人七歲喪父母及祖父母
持重九年性清慎平簡

世說德行篇注

鄧攸既棄子遂無復繼嗣爲有識傷惜

世說賞譽

篇注

祖逖

逖與司空劉琨俱以英雄著名年二十四與琨同辟司州主簿情好綢繆其被而寢中夜聞雞鳴俱起曰此非惡聲也每語世事則中宵起坐相謂曰若四海鼎沸豪傑共起吾與足下相避中原耳爲汝南太守值宗師傾覆率流民數百家南渡行達泗口安東板爲徐州刺史逖既有豪才嘗慷慨以中原爲己任乃說中宗雪復神州之計拜爲豫州刺史使自招募逖率部曲百餘家北渡江誓曰祖逖

若不濟中原而復濟此者有如大江攻城畧地招懷義士屢摧石虎不敢復窺河南石勒爲逖母墓置守吏劉琨與親舊書曰吾枕戈待旦志梟逆虜常恐祖生先我著鞭耳會其病卒先有妖星見豫州分逖曰此必爲我也天未欲滅寇故耳贈車騎將軍

世說賞譽篇注書鈔一

百三十八陳補引祖逖爲奮威將軍及渡江中流擊楫而誓曰逖不濟中原而復濟者有如此水

逖性通濟不拘小節又賓從多是桀黠勇士

逖待之皆如子弟永嘉中流民以萬數揚土
大飢賓客攻剽逖輒擁護全衛談者以此少
之故久不得調

世說任誕篇注

王導

王導接誘應會少有悟者雖疎交常賓一見

多輸寫欸誠自謂導所遇同之舊暱

世說政事篇注

蘇峻既誅大事克平之後都邑殘荒溫嶠議

徙都豫章以及豐全朝士及三吳豪傑謂可

遷都會稽導獨謂不宜遷都建業往之秣陵

古者既有帝王所治之表又孫仲謀劉玄德俱謂是王者之宅今雖凋殘宜修勞來旋定之道鎮靜羣情且百堵皆作何患不克復乎終至康寧導之策也

世說言語篇注

陶侃

侃父丹娶新淦湛氏女女生侃湛虔恭有智算以陶氏貧賤紡績以資給侃使交結勝己侃少爲尋陽吏鄱陽孝廉范逵嘗過侃宿時大雪侃家無草湛徹所卧薦剉給陰截髮賣

以供調達聞之嘆息達去侃追送之達曰豈
欲仕乎侃曰有仕郡意達曰當相談致過廬
江向太守張夔稱之召補吏舉孝廉除郎中
時豫章顧榮或責羊晫曰君奈何與小人同
輿晫曰此寒俊也

世說賢媛篇注

侃練核庶事勤務稼穡雖戎陳武士皆勸厲
之有奉饋者皆問其所由若力役所致懽喜
慰賜若他所得則呵辱還之是以軍民勤於
農稼家給人足性纖密好問頗類趙廣漢嘗

課營種柳都尉夏施盜拔武昌郡西門所種
侃後自出駐車施門問此是武昌西門柳何
以盜之施惶怖首伏三軍稱其明察侃勤而
整自強不息又好督勸於人嘗云民生在勤
大禹聖人猶惜寸陰至於凡俗當惜分陰豈
可遊逸生無益於時死無聞於後是自棄也
又老莊浮華非先王之法言而不敢行君子
當正其衣冠攝以威儀何有亂頭養望自謂

宏達耶

世說政事篇注

温嶠

敦將至嶠燒朱雀橋以止其兵

世說捷悟篇注

周顗

顗有風流才氣少知名正體凝然儕輩不敢

媒也汝南賁泰洲通清操之士嘗嘆曰汝穎

固多賢士自頃陵遲雅道殆衰今復見周伯

仁將祛舊風清我邦族矣舉寒素累遷尙書

僕射爲王敦所害

世說言語篇注又賞譽篇注引顗正體凝然雖一時

儕類皆無敢媒近書鈔六十九陳補引同

孫盛晉陽秋

三六

王敦既下六軍敗績顗長史郝嘏及左右文武勸顗避難顗曰吾備位大臣朝廷頃撓豈可草間偷活投身胡虜耶乃與朝士詣敦敦曰近日戰有餘力否對曰恨力不足豈有餘耶

世說方正篇注

初顗以雅望獲海內盛名後屢以酒失庾亮曰周侯末年可謂鳳德之衰也

世說任誕篇注

周嵩

嵩事佛臨刑猶誦佛經

世說方正篇注

劉超

超字世踰琅邪人漢成陽景王六世孫封樂
沂慈鄉侯遂家焉父徵爲琅邪國上將軍超
爲縣小吏稍遷記室掾安東舍人忠清慎密
爲中宗所拔自以職在中書絕不與人交關
書~~■~~閉門不通賓客家無擔石之儲討王敦
有功封零陽伯爲義興太守而受拜及往還
朝~~■~~有知者其慎默如此遷右衛大將軍_世
政事篇注

王敦

敦少稱高率通朗有鑒裁

世說豪爽篇注

王應

應字安期含子也敦無子養爲嗣以爲武衛將軍用爲副貳伏誅

世說識鑒篇注

錢鳳

鳳字世儀吳嘉興尉子也好慝好利爲敦鎧曹叅軍知敦有不臣心因進說敦敗伏誅

世說

假譎篇注

沈充

字士居吳興人少好兵詔事王敦敦充
邑以充爲車騎將軍領吳國內史明帝伐王
敦充率衆就王含謂其妻曰男兒不建豹尾
不復歸矣敦死充將吳儒斬首於京師世說
篇注書鈔一百三十引沈充起兵就王含
臨行顧謂其妻曰男子不建豹尾不歸

張茂

孔敬康丁世康張偉康俱著名時謂會稽三
康偉康名茂嘗夢得大象以問萬雅雅曰君

當爲大郡而不善也象大獸也取其音狩故爲大郡然象以齒喪身後爲吳郡果爲沈充所殺

世說品藻篇注

謝鯤

謝鯤字幼輿父衡晉碩儒鯤性通簡好老
善音樂以琴書爲業避亂江東爲豫章太
王敦引爲文學

世說文學篇注

鯤爲豫章太守王敦將肆逆以鯤有時望逼
與俱行旣克京邑將旋武昌鯤曰不就朝

懼天下私議也敦曰君能保無變乎對曰鯢
近日入覲主上側席遲得見公宮省穆然必
無不虞之慮公若入朝鯢請侍從敦曰正復
殺君等數百何損於時遂不朝而去世說規箴篇注
鯢隨王敦下入朝見太子於東宮語及夕太
子從容問鯢曰論者以君方庾亮自論孰愈
對曰宗廟之美百官之富臣不如亮縱意邱
壑自謂過之世說品藻篇注

庾顗

庾顗字子嵩潁川人侍中峻第三子恢擴有
度量自謂是老莊之徒曰昔未讀此書意嘗
謂至理如此今見之正與人意暗同仕至豫
州長史

世說文學篇注

顗頽然淵放莫有動其聽者

世說賞譽篇注

顗爲太傅從事中郎

世說同上

顗永嘉中爲石勒所害先是顗見王室多難

知終嬰其禍乃作意賦以寄懷

世說文學篇注

初士澄有通朗稱而輕薄無行兄夷甫有盛

名時人許以人倫鑒識嘗爲天下士目曰阿平第一嵩第二處仲第三顗以澄敦莫己若也及澄表敦敗顗世譽如初

世說品藻篇注

王澄

王澄爲荊州羣賊並起乃奔豫章而恃其宿名猶陵侮敦敦使勇士路戎等搃而殺之

世說

方正篇注

潘滔

潘滔字陽仲滎陽人太常尼從子也有文學

民國甲戌

孫盛晉陽秋

三王江都朱氏

才識永嘉末爲河南尹遇害

世說鑒識篇注

敦爲太子舍人與滔同僚

世說同上

桓溫

溫以永和二年率所領七千餘人伐蜀拜表

輒行

世說言語篇注

庾亮

庾亮字元規潁川鄢陵人明穆皇后長兄也淵雅有德量時人方之夏侯太初陳長文之倫侍從父琛避地會稽端拱疑然郡人嚴憚

之接之者數人而已累遷征西大將軍荊州

刺史

世說德行篇注

文選庾元規讓中書令表注引庾亮明穆皇后之兄也

蘇峻作逆詔亮都督征討戰於建陽門外王

師敗績亮於陳攜二弟奔溫嶠

世說雅量篇注

是時成帝在襁褓太后臨朝中書令庾亮以

元舅輔政欲以風軌格政繩御四海而峻擁

兵近甸爲逋逃藪亮圖召峻王導卞壺並不

欲亮曰蘇峻豺狼終爲禍亂晁錯所謂削亦

反不削亦反遂下優詔以大司農徵之峻曰

庾亮欲誘殺我也遂克京邑平南溫嶠聞亂
號泣登舟遣叅軍王愆期推征西陶侃爲盟
主俱赴京師時亮敗績奔嶠人皆尤而少之
嶠愈相崇重分兵以配給之

世說假譎篇注

庾冰

庾冰字季堅太尉亮之弟也少有檢操兄亮
常器之曰吾家晏平仲累遷車騎將軍荊州
刺史

世說方正篇注

初顯宗臨崩庾冰議立長君何充謂宜奉皇

子爭之不得充不自安求處外任及冰出鎮武昌充自京馳還言於帝曰冰不宜出昔年陛下龍飛使晉德再隆者冰之勲也臣無與焉

世說同上

庾翼

翼率衆入沔將謀伐狄旣至襄陽狄尙強未可決戰會康帝崩兄冰薨留長子方之守襄陽自馳還夏口

世說排調篇注

何充

何充字次道廬江人思韻淹通有文義才情
累遷會稽內史侍中驃騎將軍揚州刺史贈
司徒

世說政事篇注

何充與王濛劉惔好尚不同由此見譏於當
世

世說同上

充所暱庸雜以此損名

世說品藻篇注

充導妻姊之子明穆皇后之妹夫也思韻淹
濟有文義才情導深器之由是有美譽遂歷
顯位導有副貳已使繼相意故屢顯此旨於

上下

世說賞譽篇注

何充性好佛道崇修佛寺供給沙門以百數
久在揚州徵役吏民功賞萬計是以爲遐邇
所譏充弟準亦精勤惟讀佛經營治寺廟而
已矣

世說排調篇注

蘇峻

峻率衆二萬濟自橫江至於蔣山王師敗績
世說方正篇注

蘇峻自姑孰至於石頭逼遷天子峻以倉屋

爲宮使人守衛世說容止篇注

任讓

讓樂安人諸任之後隨蘇峻作亂世說政事篇注

匡術

匡術爲阜陵令逃亡無行庾亮徵蘇峻術勸峻誅亮遂與峻同反後以宛城降世說方正篇注

賈寧

寧字建寧長樂人賈氏孽子也初自結於王應諸葛瑤應敗後遊吳會吳人咸侮辱之聞

京師亂馳山投蘇峻峻甚嚙之以爲謀主及峻聞義軍起自姑孰屯於石頭是寧之計峻敗先降仕至新安太守

世說賞譽篇注

王述

述少貧約簞瓢陋巷不求聞達由是爲有識所重

世說賞譽篇注

述體道精粹簡貴靜正怡然自足不交非類雖羣英紛紛俊乂交馳述獨蔑然曾不羨慕由是名譽久藎

世說同上

荀羨

荀羨字令則潁川人光祿大夫崧之子也清和有識裁少以主婿爲駙馬都尉是時殷浩叅謀百揆引羨爲援頗蒞義興吳郡超拔北中郎將徐州刺史以蕃屏焉

世說言語篇注

杜乂

杜乂字弘治京兆人祖預父錫有譽前朝乂少有令名仕丹陽丞蚤卒成帝納乂女爲后

世說賞譽篇注

褚裒

褚裒字季野河南陽翟人祖契安東將軍父
治武昌太守裒少有簡貴之風沖默之稱累
遷江州刺史贈侍中太尉

世說德行篇注

裒簡穆有器識故爲彞所重也

世說賞譽篇注

充之卒議者謂太后父褚裒宜秉朝政裒自
丹徙入朝吏部尙書劉遐勸裒曰會稽王令
得國之周公也足下宜以大政付之裒長史
王胡之亦勸歸藩於是固辭歸京

世說言語篇注

謝尚

謝尚字仁祖陳郡人鯤之子也韶戲喪已哀
慟過人及遭父喪溫嶠唁之尚號叫極哀既
而收涕告訴有異常見嶠奇之由是知名仕
至鎮西將軍豫州刺史

世說言語篇注

尚率易挺拔超悟令上也

世說賞譽篇注案
令字疑誤

尚性通任善音樂

世說任誕篇注又容止篇
注引尚喜音樂

郗愔

大司馬將討慕容暉表求中勸平北將軍庾

及袁真等嚴辦愔以羸疾求退詔大司馬領
愔所任

世說捷愔篇注

殷浩

浩喜以通和接物也

世說賞譽篇注

初浩以中軍將軍鎮壽陽羌胡裏上書歸降
後有罪浩陰圖誅之會關中有變苻建死浩
僞率軍而行云修復山陵襄前驅恐遂反軍
至山桑聞襄將至棄輜重馳保譙襄至據山
桑焚其舟實至壽陽畧流民而還浩士卒多

叛征西溫乃上表黜浩撫軍大將軍奏免浩
除名爲民浩馳還謝罪旣而遷於東陽信安
縣

世說黜免篇注

羅友

友字它仁襄陽人少好學不持節檢性嗜酒
當其所遇不擇士庶又好伺人祠往乞餘食
雖復營室壚署不以爲羞桓溫嘗責之云君
太不違須食何不就身求乃至於此友傲然
不屑荅曰就公乞食今乃可得明日已復無

溫大笑之始仕荊州後在溫府以家貧乞祿
溫雖以才學遇之而謂其誕肆非治民才許
而不用後同府人有得郡者溫爲席起別友
至尤晚問之友答曰民性飲道嗜味昨奉教
旨乃是首旦出門於中途逢一鬼大見挪揄
云我只見汝送人作郡何以不見人送汝作
郡民始怖終慙回還以解不覺成淹緩之罪
溫雖笑其滑稽而頗愧焉後以爲襄陽太守
累遷廣益二州刺史在藩舉其大綱不存小

察甚爲吏民所安悅薨於益州世說任誕篇注

袁宏

宏嘗與王洵伏滔同侍溫坐溫令滔讀其賦
至致傷於天下於此政韻云此韻所詠慨深
千載今於天下之後便移韻於寫送之致如
爲未盡滔乃云得益寫一句或當小勝桓公
語宏卿試思益之宏應聲而益王伏稱善世說文學篇注

翟湯

翟湯字道淵南陽人漢方進之後也篤行任
素義讓廉潔饋贈一無所受值亂多寇聞湯
名皆不敢犯

世說棲逸篇注

陳達

達爲西中郎將領淮南太守戍歷陽

世說豪爽篇注

劉恢

恢尙廬陵長公主名南弟

世說排調篇注

七賢

于時風譽扇於海內至於今詠之

世說任誕篇竹林七

賢注

倉

吳人以中州人爲倉

世說雅量篇注經音義卷十六

一切

劉聰

聰一名載字玄明屠各人父淵因亂起兵死

聰嗣業

世說假譎篇注

已上世說注

杜預

杜預造河橋於富平津

水經河水注

初學

王衍

晉太傅東海王越之東奔也石勒追之熾於此數十萬衆歛手受害勒縱騎圍射尸積如山王夷甫死焉余謂浚者所以智勝羣情辨者所以文身祛惑夷甫雖體荷雋令口擅雌黃汙辱君親獲罪羯勒史官方之華王諒爲褻矣

水經渠水注沙水東逕寧平縣故城下引

裴秀

裴秀有風操十餘歲時人爲之語曰後進領袖有裴秀

文選任彥升爲蕭揚州作薦士表注

劉寔

劉寔字子真平原人

文選于令升晉紀總論

阮籍

何曾於太祖生謂阮籍曰卿任性放蕩敗禮傷教若不革變王憲豈得相容謂太祖宜投之四裔太祖曰此賢素羸君當恕之

文選嵇叔夜與

山巨源絕交書注

阮籍嫂嘗歸家籍相見與別或以禮譏之籍曰禮豈爲我輩設耶

文選顏延年五君詠注

嵇康

嵇康性不偶俗

文選顏延年五君詠又顏延年陶徵士詠注

王衍

王衍字夷甫能言於意有不安者輒更易之

時號口中雌黃

文選劉孝標廣絕交論注

王夷甫論曰夫芝蘭之不與茨棘俱植鸞鳳

之不與梟鴟同棲天理固然易在曉悟

文選劉孝

標辨命論注

傅咸

司隸校尉傅咸勁直正厲果於從政彈奏百
寮王戎多不見從文選千令升晉紀繼誦注

應貞

敬騎常侍應貞詩最美文選應吉甫晉武帝
華林園集詩注

張悛

張悛字士然吳國人也元康中吳令謝詢表
為孫氏置守冢人悛為其文詔從之文選張
士然為
吳令謝詢求為諸孫置守冢人表注

張悛字士然少以文章與陸機友善文選陸
士衡為

士然詩注

謝詢

謝詢河東人終於吳令

又選張士然爲吳令謝詢求爲諸孫置第

家人表注

孟觀

孟觀爲建威將軍擊氏羌於中亭大破之

又選

潘安仁關中詩注

盧播

振威盧播伐萬年

又選潘安仁關中詩注

傅隆

傅隆議曰其總章伎即古之女樂交選陸士龍為顧彥先婦詩注

劉弘

劉弘願望除名為民文選任彥昇為齊明帝讓宣城郡公第一表注

應璩

應璩作五言詩百三十篇言時事頗有補益世多傳之文選應休璩百一詩注

劉曜

劉曜入於京都六宮幽辱征西將軍南陽王模出降以模妃劉氏賜胡張平爲妻文選干紀總論注 已上俱文選注

陸機

五等論曰夫體國經野先王所慎創制垂基思隆後業然而經畧不同長短異術文選長短作長世五等之制始於黃唐郡縣之治創於秦漢得失成敗備在典謨是以其詳可得而言夫王者文選王者作先王知帝業至重天下至廣文選廣作

曠下並同廣不可以偏制重不可以獨任任重必

於借力制廣終乎因人故設官分職所以輕

其任也並建伍長文選伍作五所以弘其制也於

是乎立其封疆之典裁其親疎之宜文選裁作財

使萬國相維以成盤石之固文選盤作磐宗庶雜

居以定維城之業文選以作而晉書本傳同又有以見綏

世之長御識人情之大方知其爲人不如厚

已利物不如圖身安上在乎悅下爲已在乎

利人文選此下有故易曰說以先民民忘其勞孫卿曰不利而利之不如利而後利

之之利也二十九字晉書本傳是以分天下

作說以使人人忘其勞以下同是以分天下

以厚樂而已得與之同憂晉書本傳饗天下

以豐利而已文選已得與之其害利博則恩

篤樂遠則憂深故諸侯享食土之實萬國受

傳世之祚文選傳世作世夫然則南面之君

各務其治晉書本傳九服之民知有定主上

之子愛於是乎生下之禮信文選禮信作體

於是乎結世治晉書本傳足以敦風道衰足

以禦暴文選禦故強毅之國不能擅一時之

勢雄俊之民

文選民作士晉書本傳作人

無所寄霸王之

志然後國安由萬邦之思治主尊賴羣后之

圖身

文選此下有譬猶衆日營方則天綱自昶四體辭難而心膺獲又二十字晉書

本傳

蓋三代所以直道

文進無蓋字

四王所以垂

業也

文選此下有夫盛衰隆弊理所固有教之廢興繫乎其人愿法期於必諒明道

有時而闇二十九

故世及之制弊禍終乎七

字晉書本傳同

雄文選作故世及之制弊於彊禦厚下之典

雄漏於末折侵弱之翼邁自三季陵夷之禍

終於七雄晉書本傳

成湯親照夏

本傳同愿作原昔者

無者字文選式作戒文

后之鑒公旦曰涉商人之式

晉書本傳同

賈相濟損益有物然五等之禮文選然不革

於時封畛之制有隆焉晉書本傳無焉字爾者豈玩

二王之禍而闇經世之算乎固知百世非可

懸禦文選禦作御善制不能無弊而侵弱之

辱愈於殄祀土崩之困痛於陵夷也是以經

始獲其多福文選獲作權慮終取其小禍文選小

書本傳同非謂侯伯無可亂之符郡縣非致治之

基也文選基作具晉書本傳同無也字故國憂賴其釋位主

弱憑於其翼戴文選無於字晉書本傳無其字及其承微積

弊

文選無其字
晉書本傳同

王室遂卑猶保名位祚遺後

嗣

文選遺作垂
晉書本傳同

皇統幽而不輟神器否而必

存者豈非事勢使之然與

文選事作置

降及亡秦

棄道任術懲周之失自矜其得尋斧始於所

庇制國昧於弱下國慶獨享其利主憂莫與

其害

文選其害作其害

雖速亡趨亂不必一道顛沛

之覺實由孤立是蓋思五等之小怨忘萬國

德知陵夷之可患閭土崩之爲痛也周

口來矣國乏令主十有餘世然片

言勤王諸侯必應一朝震矜

文選震作振
晉書本傳同

遠

國先叛故強晉收其請隧之圖暴楚頓其觀

鼎之志豈劉項之能闕關勝廣之敢號澤哉

借使秦人因循周制

晉書本傳
作其制

雖則無道有

其興亡

文選作有與其弊
晉書本傳作有與其亡

其覆滅之禍

文選

無其字
晉書本傳同

其在曩日漢矯秦枉大啟王侯

文選

王侯

境土踰盜不遵舊典故賈生憂其危晁

錯痛其亂是以諸侯阻其國家之富

晉書本傳阻作

阻

憑其士民之力

晉書本傳
作士庶

勢足者反疾土

狹者逆遲六臣犯其弱綱七子衝其漏網皇

祖夷於黥徒西京病於東帝是蓋過正之灾

而非建侯之累也文選此下有然呂氏之難朝士外顧宋昌策漢必稱

諸侯十七字逮至中葉忌其失節割削宗子

有名無實天下曠然復襲亡秦之軌矣是以

諸侯作威晉書本傳諸侯作五侯不忌萬邦晉書本傳邦作國

新都襲漢易於抬遺也光武中興纂隆皇統

而猶遵覆車之遺轍養喪家之宿疾僅及數

世姦充充斥文選充作軌卒有強臣專朝則天下

風靡一夫縱橫而城地自夷

文選而作則地作池

豈不

危哉在周之衰難興王室放命者七臣干位

者三子嗣王委其九鼎凶族據其天邑鉦鼙

震於闔宇鋒鏑流乎絳闕然禍止畿甸害不

覃及天下晏然

文選天下有方字

以治待亂是以宣

王興於共和襄惠振於晉鄭豈若二漢陸闔

暫擾

文選陸作階晉書本傳同

而四海已沸孽臣朝入而

九服夕亂哉遠惟王莽篡逆之事近覽董卓

擅權之際億兆悼心愚智同痛然周以之存

民國甲戌

孫盛晉陽秋

吳江都朱氏

漢以之亡夫何故哉豈世乏曩時之臣士無

匡合之志與蓋遠績屈於時異雄心挫於卑

勢耳故烈士扼腕終委寇讐之手忠臣變節

文選忠作中晉書本傳臣作人以助虐國之桀雖復時有鳩

台同志以謀王室然上非奧主下皆市人師

旅無先定之班君臣無相保之志是以義兵

雲合無救刼殺之禍文選殺作弑眾望未改文選眾作

民而已見大漢之滅矣或以諸侯世位不必

常全昏主暴君有時比迹故五等所以多亂

今之牧守皆官方庸能

文選皆有以字

雖或失之

其得固多故郡縣易以爲政治

文選無政字晉書本傳無

治字夫德之休明黜陟日用長率連屬咸述其

職而滯昏之君無所容過何則不治哉

文選則下

有其字晉書本傳同

故先代有以之興矣

晉書本傳無之字

苟

或衰陵百度自悖鬻官之吏以貨准才

文選准作

準晉書本傳同

則貪殘之萌皆羣后也

文選皆有如字

安

在其不亂哉故後有以之廢矣

晉書本傳後下有王字

且要而言之五等之君爲己思治郡縣之長

民國甲戌

系盛晉易次

早江都朱氏

爲利圖物何以徵之蓋企及進取仕子之常

志修己安民

晉書本傳
民作人

良士之所希及夫進

取之情銳安民之譽遲

文選安民上有而
字晉書本傳同

是

故侵百姓以利己者在位所不憚損實事以

養名者官長所夙夜也

晉書本傳
夜作慕

君無卒歲

之圖臣挾一時之志五等則不然知國爲己

土衆皆我民民安己受其利國傷家嬰其病

故前人欲以垂後後嗣思其堂構爲上無苟

且之心羣下知膠固之義使其並賢居政

文選

政作治

則功有厚薄而兩愚處亂

文選無而字晉書本傳同

則過有淺深然則八代之制幾可以一理貫

秦漢之典殆可以一言蔽矣

羣書治要三十引孫盛陽秋載

機五等論

案陸機五等諸侯論見文選五

十四所載為詳然不注明晉陽秋有此論故錄治要而以文選所有者備注於下

皇甫陶

泰始八年帝與右將軍皇甫陶論事陶固執

所論與帝爭言散騎侍郎鄭徽表求治罪詔

曰讜言謬諤直意盡辭所望於左右也人主

民國甲戌

系蓋奇易火

吳江都朱氏

常以阿媚爲患豈以爭臣爲損乎陶所執不
嘗此義而徽越職奏之豈朕意乎乃免徽官
也羣書拾要卷二十九注已上羣書拾要

高祖宣帝

初宣王勒兵從闕下趣武庫當曹爽門人逼
住爽妻劉怖出至廳事謂帳下守督嚴世曰
公在外今兵起如何督曰夫人勿憂乃上門
樓引弩注射箭將欲發孫謙在後牽止之曰
天下事未可知如此者三宣王遂得過去

一百二十五 藝文六十引初高祖勒兵關下經曹爽門帳下督嚴世引弩將射高祖孫謀之曰事未可知三注三止高祖車乃過御覽三百四十八引同藝文

世祖武帝

武帝改營太廟南致荊州之木西採華山之石鑄銅柱十二塗以黃金鏤以百物填以丹青綴以珠玉 書鈔八十七

孝惠帝

惠帝詔曰天禍晉祚家嗣莫繼鸞軫弗御禁軍莫衛 書鈔一百四十一

惠帝元康元年

原諺作咸寧十年今從晉書五行志改

洛中謠

曰南風烈烈吹黃沙遙望魯國鬱嵯峨

書鈔一百

五十九

中宗元帝

中宗姓簡儉沖素有司嘗奏太極殿廣室施

絳帳帝曰漢文集上書皂囊爲帷遂令冬施

青布夏施青練帷帳

書鈔一百三十三

孝宗穆帝

穆帝永和元年皇太后設紗帷於殿擁帝朝

羣臣

書鈔一百三十二

初學記二十五

穆帝皇太后設紗帷於太極殿

孝武帝

孝武好覽文藝勅著作郎徐野民料簡四部

書凡三萬六千卷

書鈔五十七

武悼楊皇后

廢爲庶人賜死金墉城

書鈔二十六

惠賈皇后

絕太后膳賜太子酒

書鈔二十六

唐彬

孫盛晉陽秋

五十一

唐彬爲治中別駕忠肅公亮巨救違闕盡規
誨以納善不顯諫以自彰當朝正色焉

書鈔
七十

三陳補

孫秀

孫秀爲趙王倫侍中劉弘爲琅邪內史秀于
倫遂爲所信引謂人曰孫秀校才其志難滿
書鈔七十

荀勗

荀邃字道玄喜談論解音樂後晉賢莫逮驃

騎將軍長沙王以爲叅軍 書鈔六十九

溫嶠

溫嶠字太真太寧初手詔曰卿旣以令望中允之懷著於周旋且文清而旨遠宜居機密今以卿爲中書令 書鈔五十七

郭舒

郭舒爲荊州別駕諫刺史王澄宜撫養文武簡練士卒以備不虞不可輕佻 書鈔七十二

王洽

王洽拜領軍尋加中書令固讓表疏十上穆
帝詔曰敬和清裁貴令昔爲中書郎吾時尙
小數呼見意甚親之今所以用爲令旣機任
須才且欲時時相見共講文章待以友臣之
義豈便任國之大事耶宜催洽令拜固讓遂
不受

書鈔五十七

袁宏

袁宏字彥伯長於作賦爲大司馬桓溫府記

室

書鈔六十九

張惲

梁國張惲字義元爲郡吏入值太守圍棋投
札於地惲曰知府君患風取以支戶太守輟
棋令坐書鈔一百四御覽六百六戶作吳
誤

孫和

大長秋孫和上書求以妾爲妻免官禁錮書鈔
五十九

石勒

石勒僞事王浚浚遺勒麈尾勒爲不執置之

於壁朝拜之云見王公所賜如見公也書鈔一百三十 御覽七百三

石虎

永和八年冉閔大將軍蔣幹以傳國璽付河南太守戴施獻之百僚皆賀璽光照洞徹上盤螭文隱起曰昊天上帝壽昌蓋秦璽也石虎刻其旁曰天命石氏書鈔一百三十

服志下注引無永和八年四字文曰後漢書與蓋秦璽也作秦舊璽也無末十字已上俱書鈔

世祖武帝

武帝令曰殿前及武帷織成帷不須施也

初學

記二十五

御覽七百無及武帷三字

王獻之 王珉

王獻之爲中書令獻之少而標邁不循常貫

爲一時風流之冠獻之卒以王珉爲中書令

世謂之大王令小王令也珉父洽又嘗爲此

官珉復繼之時人以爲奕世令

初學記十一

七引至風流之冠又引王珉爲中書令父洽

書鈔五十

嘗爲此官時人以爲奕世令望

已上初學

孫盛晉陽秋

五三江都朱氏

簡文帝

桓溫始以雄盛入輔繼以廢立帝雖登祚內不自安初熒惑入太微尋廢海西公至是熒惑猶在太微帝惡之謂郗超曰命之修短大所不計故無復往日事邪超云大司馬溫方內固社稷外布經畧非常之事臣以百口保之超假還東帝謂之曰致意尊公家國之事遂至於此由吾不能以道匡樹思患豫防媿

嘆之深何能言喻又誦庾闡詩云士痛朝危
臣哀主辱淚下沾衣漣如相續藝文十二
文選任彥昇
為齊明帝讓宣城郡公第一表注引劉超假
還東簡文帝謂之曰致意尊公家國之事遂
至於此

晉成帝

咸康八年穀城縣民留珪夜見門內有光取
得玉鼎一圍四寸廬江太守以獻藝文九十
九御覽
七百五十六引穀城人劉珪夜見門有光取
得玉白帖鼎引咸康四年穀城縣門外有
光取得九鼎一枚案九字誤

劉禪

司馬文王問劉禪曰頗思蜀否禪曰此間樂不思蜀也卻正見禪曰若王後問宜泣以對會王復問禪曰先人墳墓遠在隴蜀乃心西悲無日不思因閉目王曰何以似卻正語禪驚視曰誠如尊命

藝文三十五

王褒

王褒母性畏雷及母死每雷震輒就墓側啟曰褒在此褒在此

藝文二

王敦

我敗京都之後夢白犬曰天而下噬之

卷之四

桓溫

桓溫入蜀聞有善星者夜執其手於星下問
國祚修短星人曰太微紫微文昌三宮氣候
決無虞五十年外不論耳溫不覺送絹一匹
錢五千與之星人詣主簿習鑿之曰今受旨
自裁乞命爲標揭棺木問其故曰賜絹命僕

自裁乞錢以買棺故知之耳繫齒曰君幾誤
死君聞子知星宿有不覆之義乎絹以戲君
錢供資糧是聽君去耳星人喜以言詣溫溫
笑曰君三十年看儒書不如一詣習主簿也
藝文八十五御覽八百八十七引桓溫人
蜀聞有星人招致之獨執其手至錢五千與
之虞上有憂字已上藝文類聚

世祖武帝

太康五年龍見武庫井中帝觀之有喜色百
官將賀劉毅以爲不祥孫楚上事曰武庫井

中有一龍羣官或謂之徵祥而稱賀有謂之
非祥無所賀可謂楚既失之齊亦未爲得也
而龍守鱗翼潛於重淵或仰攀雲漢遊於蒼
昊而今蟠於坎井同殂於蛙蝦豈獨管庫之
士或有隱伏期役之賢沒於行伍故白龍見
光景有所感帝邪開元占經一百二十
光景有所感帝邪康原譌作太元據晉書五
行志下武帝太康五年二龍見武庫井中改

武帝太康七年正月甲寅朔日有蝕之乙卯
又蝕劉向洪範傳日日之爲異莫重於蝕故

春秋日蝕則書之也日蝕者下凌上臣侵君之象也日蝕數者其亂象神者亂亦稀占經九未有譌誤

中宗元帝

建武元年三日並出觀臺令史諫章曰天下其三分十三日並見於房心下不出一年天下將亂有裂地爲三州者占經六御覽四引建武元年三日並出

孝武帝

建武元年十一月六月甲午歲星晝見在胃

占曰魯有兵臣強十二年慕容垂寇河東翟

遼使子寇陳項朱序討平之占經二十三年原譌十

書二月翟譌作雀下脫遼字項譌作類今据晉

太元十三年十一月戊子辰星入月占曰春

多大水冬有大雷牛馬凍死米必大貴不出

百日占經十三

符應

孝武寧康二年二月丙午太白犯歲星太元

元年九月元帥符堅屠涼州据此字誤據孝武紀當作虜

刺史西平侯張天錫冬十月車騎桓伊遣軍
涼州淮泗疑有誤以救涼州又發二州員吏
籍流民悉置淮南太元五年辛卯歲星與太
白相犯於是年十二月元帥符堅圍襄陽占
二十經

符堅未敗時長安市鬼夜哭一月乃止占
十三經 御覽八百八十三

客星入軫

客星入軫大風揚沙中兵大起占
經上占經一

陶潛

陶潛九月九日無酒宅邊摘菊盈把望見白衣人至乃王弘送酒便飲醉而歸伯帖九月九日

高祖宣帝

宣帝初不欲屈節曹氏辭以風疾不能起魏武使人往微刺之帝堅卧不動御覽七百四十三

高祖伐公孫淵過本縣賜羊酒穀帛郡守典農會墓次父老故舊讌飲高祖作歌曰天地開闢日月重光今遭際會奉辭遐方將掃逋

穢還過故鄉肅清萬里總齊八荒告成歸老

待罪舞陽

御覽五百七十
伐公孫淵肅清萬里

書鈔十引高祖

諸葛武侯杖二十以上親決宣王聞之喜曰
吾無憂矣

御覽六百五十

世宗景帝

景帝有日疾文鴛之來攻驚而目出懼六軍
恐蒙以被痛甚齧被破

御覽七百七

世祖武帝

泰始四年七月立常平倉豐則糴儉則糶以

利民也御覽一百九十

有司奏依舊調房子睢陽綿武帝不許御覽

紉又八百十七引無房子睢陽四字綿作

武帝時有司奏御牛青絲鞞斷詔可以青麻

代之御覽八百九十八引無御牛

字

武帝時御府丞蕭譚承徐修儀疏作漆畫銀

帶粉盃詔殺之御覽七百六十八引府丞作府令修作循銀

帶粉盃作銀樂

孝惠帝

永興元年河間王顒表拜成都王穎爲皇太弟司空王戎高密王簡平昌公模等以大駕北征廢皇太弟穎立豫章王熾爲皇太弟御覽一百四十九

惠帝崩由食餅也御覽八百六十

孝穆帝

懷帝天姿清劬少有聲名若遭承平之世足爲守文佳主而繼惠帝擾亂之後東海專政

祿去王室無幽厲之釁而蒙犬戎之禍悲矣
御覽九十八 書鈔十七引宇文佳主

懷帝陷於平陽劉聰加帝開府儀同三司會稽郡公引帝入醢謂帝曰卿爲豫章王時朕與王武子俱造卿武子稱朕於卿卿言聞名久矣卿以所作樂府文示朕曰劉君聞君善詞賦試爲看也朕與武子俱爲聖德頌稱善者久之又引朕射於皇堂朕得十二籌卿與武子俱九籌卿又贈柘弓銀硯卿頗憶否帝

曰安敢忘之恨爾日不得早識龍顏聰曰卿
家骨肉何相殘之甚邪帝曰此殆非人事皇
天意也大漢將興應乾受厯故爲陛下自相
驅耳且臣家若能奉武皇帝之業九族敦睦
陛下何由得之聰甚有喜色御覽五百八十八引晉春秋
此或是習鑿齒漢晉春秋然諸書引晉陽秋亦有作晉春秋者故兩存之

中宗元帝

昔秦始皇東遊望氣者云五百年後金陵之
地有天子氣於是始皇改曰秣陵吳人以爲

孫權之表也盛案始皇遊歲至權僭號四百三十七年考之年數既不合校之基守又非倫豈應帝王之符而見兆於上代乎有晉金行奄君四海金陵之祥其在斯乎且秦政東遊至是五百二十六年所謂五百之後當有王者也又孫皓將亡吳郡臨蕪湖一夜草木自除於湖邊得石函中有小石青白色長四尺廣二寸餘上有白帝字時人莫察其祥意者其中宗興五湖之徵歟太康三年建業有

寇餘姚人任振以周易筮之曰寇已滅矣後
三十八年揚州當有天子又太安中童謠曰
五馬浮度江一馬化爲龍永嘉大亂王室淪
覆唯琅邪曲陽汝南南頓彭城五王獲濟至
是中宗登祚先是歲鎮熒惑太白四星聚於
牛斗之間五鐸又見於晉陵冥數玄感若合
符節又初元石圖有牛繼馬後故宣帝深忌
牛氏遂爲二榼共一口以貯酒帝先飲佳者
以毒者酖其將牛金而恭王妃夏侯氏通小

吏牛欽而生元帝亦有符云御覽九十八又
皇東遊望氣者云五百年後金陵有天子氣
於是始皇改曰秣陵塹北山以絕其勢
學記六引秦始皇東遊望氣者云五百年後
金陵有天子氣於是始皇於方山掘流西入
江亦曰淮藝文十引秦始皇時望氣者言
五百年後金陵之地有天子氣於是改金陵
曰秣陵塹北山以絕其勢
後五百年而中宗即位於江南又引
太安中歲鎮揚州也又四星聚於太安中童謠
中宗即位於揚州也又四星聚於太安中童謠
日至中宗登祚下即云先是五鐸見於晉陵
至冥數玄感冥作靈書鈔是二陳補引同藝
文十至秣陵

建武元年虹長竟天 御覽十四

肅宗明帝

明帝文武鑒斷初在東宮敬禮賢士昵近明德自王導庾亮溫嶠桓彝阮放皆見親侍分好綢繆雅好辭章談論辯明理義與二三君子並著時論粲然可觀於時東宮號爲多士王敦旣平思求民瘼詔尙書令僕射尙書曰吾飢於食直言渴於求亮正想諸君達此懷矣予違汝弼堯舜之相君臣吾雖虛闇度不距逆耳之談稷契之任諸君居之矣望共勗

之御覽九十八

書鈔七引明帝文武鑒斷

孝宗穆帝

升平四年鳳皇將九子見鄖鄉之豐城冬復見衆鳥從之御覽九百十五

孝武帝

初太宗諸子繼天諸姬絕孕令扈謙卜繇云後房當有女誕三男一女終大盛於是盡出後宮諸婢悉見之織坊中有一人色黑宮人謂之崑崙相者驚曰此是也帝以大計幸之

生烈宗

御覽三百六十

平原王幹

齊王問輔政士以牛酒郊勞平原王幹獨齎

百錢於懷賀之

御覽一百五十一又入百三十五引朝士以牛酒勞齊王

問平原王幹獨齎百錢

平原王幹陰雨則乘犢車而入乘露車或問

其故曰露者宜內也

御覽七百七十五

桓範

司農桓範字元則出奔曹爽云大司農印在

吾手中所在得開倉而食

御覽二百三十三

王祥

晉文帝進號爲王太尉王祥獨長揖王謂祥曰今日然後知君見顧之重也

御覽五百四十三

陳羣

陳羣爲吏部尙書制九格登用皆由於中正考之簿世然後授任

御覽二百十四

荀粲

荀粲亡時年二十九性簡實不能與常人交

接所交者皆一時俊傑至葬夕赴者裁十餘人皆同時知名士也哭之感動路人

御覽五百五十四

書鈔九十二陳補

荀粲字奉倩常曰婦人者才智不足論自宜以色爲主驃騎將軍曹洪女有美色粲於是聘焉容服帷帳甚麗專房宴寢數年婦偶病亡未殯傳嘏往唁之粲不哭神傷曰佳人難再得痛悼不已歲餘亦亡

御覽三百八十

張華

晉張華有文雅之才晉儀禮釐革制度勅有司給筆札多所損益

御覽六百六

李善

李善乞老以爲光祿大夫門施行馬

御覽二百四十

三

魏舒

魏舒適主人俄聞車馬之聲問曰男女從者入反曰男也年十五以兵死又問寢者誰曰魏公舒默然謝之

御覽三百六十一

民國甲戌

系盡晉易次

六五江都朱氏

魏舒子亡唯有一息足堪負荷所以散其憂

懷給賜道車四望

御覽七百七十五

事類

陽燧四望車使出入觀望散其哀懷

阮籍

晉文帝親阮籍恒與譚戲任其所欲不迫以
職事籍從容嘗言曰平生曾遊東平樂其土
風願得爲東平太守文帝大悅卽從其意籍
便騎驢到郡至皆壞府舍諸壁鄣使內外相
望然籍教令清整當留十餘日便乘驢去

御覽

九百一

朱整

朱整少有名行官至中書監魏禪晉使整與
中書令劉良其爲詔世祖踐祚權卽用之御覽
二百二十

羊冉

廬陵太守羊冉疑郡人簡良等爲賊殺一百
九十人徒謫百有餘人有司奏冉罪死以景
獻皇后有屬入議帝曰此古人所無何入議

孫盛晉陽秋

補刊

之有乎未忍肆之市朝其賜命獄所琅邪王
太妃山氏冉之甥也詣闕請命丞相以太妃
爲言於是簡死罪旣出有疾見簡良爲崇旬
日而卒

御覽二百六十二

孫秀

此孫秀是吳郡吳人武帝時來降

孫秀降賜雲母車

御覽八百八

馬隆

馬隆討涼州虜隆募限腰引弩四十六鈞弓
限四鈞以上隆捶檟懸弓弩檟側閱試自旦

至中得三千五百人

御覽三百四十八

溫嶠

溫嶠上書曰臣才短學淺文義不通中書之職酌對無方斟酌重輕豈惟文疏而已自非望士良才何可妄居斯位累辭得止

御覽二百二十一

周訪

王敦許周訪荊州又授梁州訪怒敦書喻之遺以盃訪投盃於地

御覽七百六十

甘卓

孫盛晉陽秋

全

甘卓字季思察孝廉爲吳王晏常侍

御覽二百四十

八

卞壺

義熙九年羣盜發卞壺墓剖棺虜掠壺尸僵
鬚髮蒼白面如生人兩手悉拳爪甲乃長穿
達于背焉

御覽三百七十

王彬

周顗旣遇害王彬哭之甚哀敦怒曰周伯仁
凡人遇汝何爲如此彬曰伯仁長者君之親

友在朝雖無謗訾亦無所阿黨且加之極刑
何痛如之左右見敦盛怒竊勸跪謝彬曰腳
痛不能跪拜敦復曰腳痛孰與頭痛咸爲失
色御覽三百七十二

王胡之

王胡之善於投壺言手熟閉目

御覽一百五十三

庾冰

荊州刺史庾冰中子襲嘗貸官曹絹十疋冰

怒撻之市絹還官

御覽八百十七

王洽

王洽除中書令時年二十九將辭之從兄朗
之遺書曰弟今二十九便居清顯要任敢不
敬以先旨爲弟啟義讓之路焉若弟年至四
五十之間雖復朝令趨登公輔亦非吾所預
況降此以還者耶洽遂不拜御覽二百二十七
引王洽爲中書令兄胡之再遺之書曰弟今
年二十九引至啟義讓之路焉路作路焉作
也

車盾

車胤字武子家貧讀書常不得油夏月則練囊盛數十螢以夜繼日

御覽二十一 事類賦四引無胤字二字

董威輦

董威輦常宿白社中時乞於市得殘碎絹結以自覆金帛袿錦則不肯受

御覽八百十八

董威輦潛遁去不知所之於其寢所得一石及詩二首

御覽五十一

事類賦七

韓康伯

韓康伯年四十九拜領軍疾病占候者云不

宜此官固請徙之

御覽二百二十九

周延

義興周延爲左率轉尙書遷大將軍諮議參

軍

御覽二百三十八

崔祖思

清河崔祖思死家無餘財有書千卷上聞嗟

嘆良久乃以葛屯穀五百斛賜其家曰葛屯

亦吾之垣下令後世知其異

御覽六百三十

春與陽通故入孫盛書又唐藝文志有檀

晉春秋

顧愷之

顧愷之尤好丹青嘗以一厨畫寄桓玄悉糊
題其前玄乃發厨後而取之封題如舊以還
之愷之見封題如初但失其畫直云妙達通
靈變化而去猶人登仙也

御覽七百十二

王歡

王歡耽學貧或人惠蒸餅一顆以充一日妻
子常有菜色

御覽八百六十

劉裕

劉裕平慕容超將鎮下邳聞盧循反何無忌
敗乃還次山陽造揚子江問行人曰朝廷如
何對曰劉公尙未至劉公若還無所憂也裕
將濟而風急衆咸難之裕曰吾有天命風當
自息如天不助覆溺何足可怯卽令登舟舟
移而風止

御覽八百七十二

韋夔

晉陵人韋夔桓修令於坐相劉公仕宦當至
州不夔云劉粗是有相人當不失邊州刺史

既出私於裕曰卿大有貴相向不敢極言耳
裕惡其言未畧答曰卿狂言驗當爲司馬義
旗後數年見裕訴曰周成不負桐葉之信公
不應忘司馬之言今不希鎮軍府聞護軍司
馬缺願賜卒恩裕笑而用之

御覽二百四十

陳留王

給陳留王碓一區

御覽七百六十二

區純

衡陽區純甚有巧思造作木室作一婦人居

孫盛晉陽秋

其中人扣其戶婦人開門而出當戶再拜還
入戶內閉戶又作鼠市四方丈餘有四門門
中有木人縱四五鼠欲出門木人輒推門掩
之門門如此鼠不得出又作指南車及木奴
令舂穀作米中宗聞其巧詔補尚方左校覽御
七百五十二又九百十一引太興中區純作
鼠市四方丈餘開四門縱四五鼠於中欲出
門木人輒以推推之藝文九十五引同御
覽九百十一推之作推之說郭五十九引
庾翼晉陽秋同藝文以推推之作以拒拒之

肅慎

肅慎土無鹽鉞

御覽八百十三

知幾

知幾其神乎古人以爲難交疏而吐誠今人以爲難

御覽四百六 已上御覽

符堅

秦符堅尅襄陽獲習鑿齒釋道安時鑿齒足疾堅見之與語大悅歎曰昔晉平吳利在二陸今破南土獲士一人有半蓋刺其蹇也初鑿齒嘗造道安譚論自贊曰四海習鑿齒安

孫盛晉陽秋

應聲曰彌天釋道安咸以爲清對

太平廣記二百四十

六引晉春秋案習鑿齒有漢晉春秋然不得叙說已事故定爲孫氏書又檀道鸞有晉春秋見唐藝文志據袁字記江南東道引孫盛晉春秋知孫氏書亦有引作晉春秋者

孝武帝

寧康二年九月九日上嘗講孝經謝安侍坐

陸納卞耽執讀謝石袁虎執經車胤王溫摘

句事類賦五

謝敷

會稽謝敷字慶緒隱若邪山初月犯少微星

少微一名處工星時戴逵名著於敷時人憂
之俄而敷死會稽人士朝曰吳中高士求死
不得死事類賦二

肅愼

肅愼國肅愼帝時及元帝中興皆來貢獻成帝
時又通貢於右季龍曰每候牛馬向西南眠
者三年矣是知大國所在故來事類賦二十
類賦
己上事

衛瑾

大保淄陽侯衛瓘河東安邑人也瓘子恒恒

子玠

寰宇記河東道解州安邑縣

楊駿

惠帝永平元年殺太傅楊駿併父及子孫五

人故吏潘岳等收葬之

寰宇記河南道陝州靈寶縣

賀循 朱誕

陳敏亂三吳知名士皆受爵祿賀循朱誕不

辱其身

寰宇記江南東道蘇州吳縣

劉曜

永嘉元年洛陽步廣里地陷有二鷺色黃蒼
者飛沖天白者不能■黃蒼雜胡夷之象劉
曜以爲已瑞築城以應之

寰宇記河東道并州清源縣

石勒

司冀青雍蝗食茅草至盡石勒與蝗競取民
禾河北曰姓謂之胡蝗

寰宇記河北道冀州信都縣

引無食字至作皆無河北二字

秦淮

秦淮是秦所鑿于導鴻淮令郭璞筮之卽此

淮也

又稱

未至方山有直瀆行三十許里

寰宇記江

東道昇州江寧縣引孫盛晉春秋案此是約引之辭已上太平寰宇記

元帝

元帝登阼是歲鎮太白星等聚於牛女之間

緯畧一

王衍 樂廣

王夷甫樂廣俱宅心事外風流著稱唯王樂

焉

緯畧二

高貴鄉公

高貴鄉公神明儁爽德音宣朗景王曰上何
如主也鍾會對曰才同陳思武類太祖景王
曰若如卿言社稷之福也說鄒五十九引庚
翼晉陽秋
丁卯葬高貴鄉公於洛陽西北三十里渥澗
之濱下車數乘不設旌旄百姓相聚而觀之
曰是前日所殺天子也或掩面而泣悲不自
勝說鄒同上

謝安

張華將死中台星拆太元中復還合太傅謝

安爲相所致也

說郭五十九引庾翼晉陽秋

袁宏

袁宏字彥伯謝安賞其機捷辯速自吏部郎
出爲東陽郡乃祖之於治亭時賢皆集安欲
卒迫試之執手將別顧左右取一扇而贈之
宏應聲曰輒當奉揚仁風慰彼黎庶合座歎
其要捷說郭五十九引庾翼晉陽秋初學
記一引袁宏爲東郡守謝安執宏手
授扇宏曰輒當奉揚仁風慰彼黎庶
九引同初學記輒作謹風慰彼黎庶二同御覽
已上說郭

一切經音義四分律十六卷裁下注云音翼唯晉陽秋有人姓姚名裁作此字諸書所無案晉書載記後秦姚弋仲豈卽姚裁乎

補遺

愍帝

愍帝在西京旱傷薦臻無注記年月也五書志二

謝尙

尙善音樂裴子云丞相嘗曰堅石挈脚枕琵琶有天際想堅石尙小字

世說容止篇注

孝武帝

孝武寧康元年七月乙未火犯軒轅大星二年正月大赦

占經三十六

孝武帝寧康二年九月甲子太白犯斗第五星三月丁未大赦天下也

占經四十八

符堅

太元元年三月丁巳流星大如椀赤色尾長

二丈起心星南五丈經積卒九月秦王符堅
屠涼州擒刺史張天賜車騎桓冲屯田洙泗
占經七十五

刁羹

孝武寧康元年九月癸巳火入太微掩西藩
上將二年正月己酉北中郎將徐兗二州刺
史刁羹薨占經三十六

王彪

孝武太元元年九月癸亥熒惑犯哭星二年

孫盛晉陽秋

八月王彪死

占經三十七

孝武太元二年七月己亥填星搖三年六月

大水

占經三十八

馬

咸寧八年有馬色如血自宣陽門直入殿前
走出不知所之

占經一百十八

祖逖

祖逖字士稚好俠每之田舍輒稱兄命散穀

帛以贈貧者

御覽四百七十三

顧愷之

顧愷之尤好丹青嘗以一厨畫寄桓玄悉糊
題其前玄乃發厨後而取之封題如舊而還
之愷之見封題如初但失其畫直云妙畫通
神變化而去猶人登仙

御覽七百十三